

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Der Nibelunge Lied**

**Leyser, Hermann**

**Leipzig, 1840**

XIII. Aventure


[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie Chriemhilt mit ir man  
zer hochgerite for.

XIII. Auenture.

**A**lle ir vnnuze. die lazen wir nu sin.  
vnt sagen io wie Chriemhilt. vnt och ir magedin.  
zer hochgerite svoren. von Nibelunge lant.  
nie getrugen möre. so manic herlich gewant.



Vil der leit schrine. man schiete zu den wegen.  
do reit mit sinen frivndin. Sivrit der degen.  
vnt ovch div kuniginne. vñ hoher freuden wan.  
ir freude moße leider. mit grozem iamer sit zergan.

Daheime si do liezen. ir beider kindelin.  
beliben inir landen. daz moos et also sin.  
von ir hove reise. erstunden starchiv ser.  
vater vnt mvoter. gefach daz kindel nimmer mer.


Da mite reit der herre. der kunic Sigemunt.  
solder der getrowen. wie ez im nach der stunt.  
zer hochgecite ergienge. ern het ir niht gesehen.  
ia chunde im inder werlde. leider nimmer geschehen.

Goten man vor sande. die div märe sagten dar.  
do reit ovch in engegene. mit maniger liechten schar.  
vil der goten degene. der Gunthers man.  
der wirt sich gegen den gesten. sere vlißen began.

Er gie zu Prunhilde. da er si sizzen vant.  
wie enpsie et ovch min swester. do ir chomet indaz lant.  
sam solt ovch ir enpfahen. daz Sivrides wip.  
daz ton ih sprach div frowe. daz hat verschuldet wol ir lip.

Do sprach aber Gunther. si choment vns morgen froo.  
nv ir si welt enpfahen. da griset balde zuo.  
daz wir ir inder bürge. niht erbiten hie.  
mir chom inmanigen ziten. so rehte lieber geste nie.

Ir meide vnt ovch ir frowen. die hiez si do zehant.  
svchen gotiv chleider. die besten die man vant.  
die si wol mit eren. vor gesten mohten tragen.  
wie gern si daz taten. daz mac man lihte gesagen.



Ouch ilten in do dienen. die Guntheres man.  
alle sine degene. der wirt zu sich gewan.  
da reit die kuniginne. mit ir frowen mite.  
gegen den lieben gesten. al nach fruntlichem site.

Mit wie getanen eren. man die geste enpfie.  
si dohte das frow Chriemhilt. Prunhilt nie.  
so rehte wol enpfienge. in Burgonden lant.  
die si e' niene gesahen. den wart vil hoher mvot erchant.


Nu was och komen Sivrit. mit den sinen man.  
man sach die helde wenden. wider vnt dan.  
des veldes allenthalben. mit vngesvogen scharn.  
dringen vnt stoben. chunde niemen da bewarn.

Do der wirt des landes. Sivriden sach.  
vnt och Sigemunden. wie gutlicher sprach.  
nu sit mir groze willechomen. vnt al den vruenden min.  
der iwer hovereise. soln wir hochgemute sin.

Nu lone io got sprach Sigemunt. der ere gernder man.  
sit das ioch min son Sivrit. zefrivnde gewan.  
do rieten mine sinne. das ich ioch solde sehn.  
do sprach der wirt zem gaste. nu ist mir liebe dran geschen.

Sivrit wart enpfangen. als im das wol gezam.  
mit vil grozen eren. im was da niemen gram.  
des half mit grozen zohten. Sifelher vnt Gernot.  
ich wane man ez gesten. nie so minneklich erbot.

Do nahten zu zein ander. der zweier kunige wip.  
da wart vil satil lare. maniger schonen frowen lip.  
wart von rechen handen. erhaben vf das gras.  
die frowen gerne dienten. was der mit vnuozen was.



Do giengen 3wo zein ander. diu minneklichen wip.  
des was ingrozen freuden. uil maniges rechen lip.  
daz ir beider grozen. so schone wart getan.  
do sahe man vil der degene. mit 3ohten bi den frowen stan.

Daz herrenlich gesinde. sich uiengen bi der hant.  
inzohnten groze nigen. des man vil da vant.  
vnt chussen minnekliche. von frowen wolgetan.  
daz was liep zesehene. den kunigen vnt ir beider man.

Sine biten da niht langer. si riten 3u der stat.  
der wirt den sinen gesten. daz wol erzeigen bat.  
daz man si gerne sahe. in Suregonden lant.  
vil manigen pvenez richen. man vor den iunefrowen vant.

Uzer Tronege Hagene. vnt oveh Ortewin.  
daz si gewaltich waren. daz wart da vil wol schin.  
swaz si gebieten wolden. daz torste niemen lan.  
von in wart michel dieneft. den edeln gesten getan.

Vil schilde hort man schellen. da zem burgetor.  
von stichen vnt von stozen. vil lange habt der vor.  
der wirt mit sinen gesten. e' daz si komen drin.  
ia gie in diu stunde. mit vil grozen vreden hin.

For den palas richen. mit freuden si do riten.  
vil manigen pfellel spähen. rich vnt wol gesniten.  
sach man ober sätele. den frowen wolgetan.  
allenthalben hangen. do chomen Guntheres man.

Die hiezen si do foren. balde an ir gemach.  
vnder wilen blichen. man Prunhilde sach.  
an frowen Chriemhilt. diu schone was genvoch.  
ir varwe gegen dem glanze. den schin vil herlichen trooch.

Allenthalben schallen. ze Wormez in der stat.  
hort man; gefinde. der wirt den marschalch bat.  
Danchwart Hagenen broder. er solde ir selbe pflegen.  
do begunder daz gefinde. harte gotliche legen.

Da vze vnt ovch dar inne. spisen man si lie.  
ez enwart deheiner geste. baz gepflegen nie.  
allez daz si wolden. des was man in bereit.  
der chunich was so riche. daz da wart niemen niht verseit.


Man dient in fruntliche. vnt ane allen haz.  
der wirt do zetische. mit sinen gesten saz.  
do muose sizen Sivrit. als er e' het getan.  
mit im gie zetische. vil manic wätlicher man.

Einluse hundert rechen. an dem ringe sin.  
mit im zem ezzen saz. Prvnhilt div kunigin.  
gedaht daz eigen holde. niht richer chunden wesen.  
si was im noch so wäge. daz si in gerne lie genesn.

Alda der wirt mit freuden. mit sinen gesten saz.  
vil der richen chleider. wart von wine naz.  
da die schenchen solden. zu den tischen gan.  
da wart vil voller dienest. mit grozem willen getan.

So man zehochgeciten. lange hat gepflegen.  
frowen vnt meide. hiez man schone legen.  
von swannen si dar chomen. der wirt in willen trooch.  
mit vil grozen zuhten. man gab in allen genvoch.

Do div naht het ende. vnt daz der tac erschein.  
vz den leit schrinen. vil manic edel stein.  
erluht ingoter wäte. die rvorte frowen hant.  
do wart dar for gesuochet. vil manic herlich gewant.



E' daz ez vol ertagete. do chomen for den sal.  
vil ritter vnt knechte. do hvoop sich aber schal.  
vor einer froy messe. die man dem kunige sanch.  
da riten iunge degene. daz mans in moße sagen danch.

Evot vnt ane mase. manic pufvon erdos.  
von trumben vnt slonten. wart der schal so groz.  
daz Wormez div vil wite. darnach vil lote erschal.  
die hochgemvoten degene. zen rossen chomen vber al.


Do hvoop sich indem lande. harte hoh ein spil.  
von manigem goten degene. der was da harte vil.  
den ir tombiv hercen. rieten hohen mvot.  
der sah man vnder schilde. manigen zieren rechen goot.

Indiv venster saz. div herlichen wip.  
vnt vil der schonen mägede. gezieret was ir lip.  
si sahen kurcewile. von manigem chonem man.  
der wirt mit sinen degenen. selbe riten da began.

Also vergie ir wile. div dohte si niht lanc.  
do horte man zem toome. vil maniger glocken chlanch.  
do chomen in die more. die frowen riten dan.  
den edeln kuniginnen. volget vil manic chune man.

Si stunden vor dem monster. nider vf daz gras.  
Prunhilt ir gesten. dannoch vil wäge was.  
si giengen vnder chrone. indaz monster wit.  
div liebe wart sit gescheiden. daz frumte grözlicher nit.

Do si gehorten messe. si suoren wider dan.  
mit vil grozen zohnten. man sach si sider gan.  
zetische minnekliche. ir freude nie gelach.  
da zer hochgecite. vnz an den einlisten tac.



Do gedaht die kuniginne. ine mac niht langer dagn.  
swie ich daz gesuge. Chriemhilt mu; mir sagen.  
warumbe vns also lange. den zins versezzen hat.  
ir man derst unser eigen. der vrage han ich cheinen rat.

Sos warte si der wile. als ez der tiwfel riet.  
die frovde vnt ovch die hohgecit. mit iamer si do schiet.  
daz ir lach amme hercen. zelicht ez mose chomen.  
des wart inmangen landen. von ir iamers vil vernomen.

